

T y p u s: Caucasus centralis, Balkaria, ripa sinistra fluminis Rtyzvaschka, pag. Mamai-Kjunnjum, in betuletis in saxis, 2020 m s. m., 29 VI 1925, fl., n° 12, E. et N. Busch; in Herb. Inst. Bot. Ac. Sc. URSS in Leningrad conservatur.

A f f i n i t a s. A *C. praemorsa* (L.) Tausch pedunculis et involucri phyllis breviter glanduloso-pilosis, acheniis majoribus sublaevibus, pappo longiore et area geographica bene differt.

125. ***C. astrachanica*** Stev. ex Czer. sp. n. (sect. *Mesophylion* Babc.). — *C. tectorum* auct. fl. ross. p. min. p. — *C. tectorum* ssp. *astrachanica* Krasch. в Ол. Юго-Вост. VI (1936) 474, descr. rossica.

Planta annua; caules plus minusve numerosi, 5—15(25) cm alt., arcuatim ascendentes, rarius partim decumbentes, tenues, fistulosi, a medio vel a basi ramosi, foliati, virides, appresse subaraneosi, leves, saepe superne subaculeolati; folia levia, glabra vel parce araneoso-pilosa, radicalia 2.5—7(10) cm lg. (cum petiolo) et 0.4—1.5(2.5) cm lt., lanceolata, oblanceolata vel lanceolato-lineararia, apice acuta vel acutiuscula, irregulariter sinuato-dentata, pinnatiflobata vel lyrato-pinnatiflora, brevissime petiolata, non marcescentia, caulina lineararia, apice breviter acuminata, integerrima, sessilia, haud auriculata vel subauriculata. Calathidia multiflora, in inflorescentiam corymbiformem laxam aggregata; involucrem anguste campanulatum, 6—7(8) mm lg. et 3—5 mm lt., virescens; involucri phylla extus griseolo-subaraneosa, interdum dorso pilis raris brevibus pallidis eglandulosis setosis tecta, exteriora in numero 5—8, lineararia, acuta, inaequilonga, non marginata, interioribus triplo breviora, interiora in numero 12—14, oblongo-lanceolata, acuminata, aequilonga, late membranaceo-marginata (intima), facie interiore appresse pilosa; receptaculum ciliatum; flores flavi; florum corolla 7—10 mm lg., ligula ad 1.5(2) mm lt., tubo 2—3 mm lg., pilis brevissimis rigidis sparse pubescente; rami styli viriduli vel flavidi; achenia uniformia, atro-rubello-brunnea, 3—5 mm lg. et 0.4—0.5 mm lt., fusiformia, costulata, costulis in numero 10 angustis rotundatis, pilis minimis (sub lente!) rigidis tectis; pappus 4—4.5 mm lg., albus, non deciduus. Fl. VI—VIII(IX).

H a b i t a t ad ripas fluminum et lacuum dulcium in regione austro-orientali partis europaeae URSS, Daghestania et Transcaucasia orientali (urb. Baku).

T y p u s: Astrachan, 1818, Steven; in Herb. Inst. Bot. Ac. Sc. URSS in Leningrad conservatur.

A f f i n i t a s. Valde affinis *C. tectorum* L. s. str., sed caulibus plus minusve numerosis humilibus tenuibus a medio vel a basi ramosis, foliis caulinis subauriculatis vel haud auriculatis, calathidiis vix minoribus, involucri phyllis extus griseolo-subaraneosis, interdum dorso pilis raris eglandulosis setosis tectis, corolla breviora et styli ramis viridulis vel flavidis differt.

LAGOSERIS M. B.

126. ***L. robusta*** Czer. sp. n. (subgen. *Lagoseris*).

Planta perennis, rhizomate lignoso obliquo vel horizontali, radicibus non numerosis funaliformibus praedito; caudex brevis, ad 2 cm lg., simplex vel

bi-triceps reliquis atro-fuscis foliorum radicalium vetustorum vestitus; caues in numero 1—3(8), 30—50 cm alt., crassiusculi, erecti, recti vel leviter flexuosi, teretes, tenuiter sulcati, superne, rarius ad medium subramosi, sparse araneoso-pilosi; folia rosulata, numerosa, crassiuscula, 4—13 cm lg. (cum petiolo) et 1.5—4 cm lt., oblongo-oblancoolata, apice acuta vel acutiuscula, profundè runcinato-pinnatipartita, laciniis pinnatilobatis vel irregulariter et acute dentatis plus minusve latis, breviter petiolata, petiolis anguste alatis basi dilatatis et vulgo pallide purpureis, utrinque leviter araneoso-pilosa, sublanato-araneosa, interdum subglabra; folia caulina minima, linearia, bracteiformia, non numerosa. Calathidia pedunculata, pedunculis crassiusculis; involucrium anguste campanulatum, ca. 12 mm lg. et 6—8 mm lt. (tempore florendi); involucri phylla appresse griseolo-araneosa, exteriora in numero 10—12, biserialia, valde inaequilonga, non membranaceo-marginata, interiora in numero 14—16, membranaceo-marginata (intima), nigrescenti-viridia; flores roseolo-purpurei; corolla 15—16 mm lg., tubo ca. 4 mm lg.; rami styli virides; achenia uniformia, atro-brunnea, 6—6.5 mm lg. et 0.7—0.8 mm lt., costulata, costulis in numero 10, pilis densis minimis lucidis rigidis tectis; pappus 4.5—5 mm lg. Fl. VI—VII.

Habitat in declivibus lapidosis in Tauria meridionali.

Typus: Tauria meridionalis, inter montem Aj-Petri et flumen Uczan-Ssu, in declivibus lapidosis, 27 VI 1912, fl., S. Ganeschin; in Herb. Inst. Bot. Ac. Sc. URSS in Leningrad conservatur.

Affinitas. Nostra species nova *L. purpureae* (Willd.) Boiss. praemontanae et *L. callicephalae* Juz. jailicolae affinis est, sed a prima habitu robustiore, caulibus altioribus, foliis plus minusve magnis subaraneosis vel subglabris, involucriis, floribus et acheniis majoribus, a secunda pedunculis appresse griseolo-araneosis (nec dense glanduloso-setoso-pilosis) differt.